



MISA CON NENOS

14 de outubro de 2018

Ordinario 28º-B

Evanxeo de Marcos 10, 17-30:

“Vai e vende o que tes e sígueme”.

Mensaxe: Deixa as PEDRAS, os afectos...

E Xesús darache ÁS para amar.



1. ACOLLIDA

Amigos e amigas:

Benvidos á celebración da Eucaristía no día do Señor, domingo 28 do tempo ordinario. Xesús invítanos a seguilo, aínda que resulte custoso levar adiante a invitación que nos fai. Pídenos que a nosa vida sexa compartir, non acaparar, baleirarnos das nosas riquezas para que o noso único tesouro sexa Deus e así obteñamos un valioso tesouro no ceo. Imos intentar vivir esta mensaxe esta semana. SAÚDO: No nome... *O Señor Xesús, que nos mira con agarimo e nos invita a seguilo sexa convosco.*

2. PERDÓN

Pedimos perdón polos pecados persoais e familiares:

- Ti, Señor, que nos invitas a seguirte. *Señor, ten piedade de nós.*
- Ti, Señor, que nos prometes un tesouro no ceo se non nos agarramos aos tesouros da terra. *Cristo, ten piedade de nós.*
- Ti, Señor, que queres enriquecernos e traernos a salvación e a felicidade. *Señor, ten piedade de nós. Deus todopoderoso teña misericordia de nós...*

3. MONICIÓN ÁS LECTURAS

O libro da Sabedoría dinos que é mellor ser sabio que ter moitas riquezas. Deste xeito prepáranos para o relato do novo rico do evanxeo que preferiu quedar coas riquezas e perdeu o tesouro que é Deus, o único que nos dá a felicidade. A carta aos Hebreos axúdanos a valorar a Palabra de Deus porque nos ensina a elixir ben e vulgar as intencións do corazón.

4. PETICIÓNS

Presentemos ao Señor todas as nosas súplicas con toda a fe e con toda confianza dicindo:

-Que ti, Señor, sexas a nosa riqueza.

1. Polo Sínodo da mocidade que se está celebrando en Roma. **Oremos.**
- 2.- Polos enfermos e os que sofren para que o Señor os encha da súa graza nas dificultades. **Oremos.**
3. Polos que nos dicimos cristiáns para que acollamos a invitación de Xesús a seguilo sabendo que el é o verdadeiro tesouro. **Oremos.**
- 4.- Polos misioneiros para que avivan en nós o noso compromiso misioneiro. **Oremos.**
- 5.- Polos que acaparamos posesións, para que descubramos que a verdadeira grandeza está en compartir e ter a Deus no corazón. **Oremos.**
- 6.- Por nós para que aprendamos que é mellor ser boas persoas que ter moitas cousas. **Oremos.**
- 7.- Polos que nos reunimos cada domingo, polos anciáns, polas familias con problemas. **Oremos.**
Pai, escoita as pregarías que che presentamos e derrama sobre nós o Espírito que nos encha de sabedoría. Por XCNS.

5. OFRENDAS

- UN CARTEL DO SÍNODO DOS BISPOS: Señor, queremos unírnos ao sínodo de Roma sobre “a mocidade, a fe e o discernimento vocacional”. Queremos que a mocidade atope o seu lugar e o seu protagonismo na Igrexa e que viva a fe con alegría e esperanza.
- UN COFRE CON MOEDAS OU BILLETES: Con este cofre cheo de moedas (ou billetes) queremos representar un dos grandes males do mundo, o egoísmo. Que sempre sexamos conscientes de que a riqueza é mala compañía para entrar no ceo, pois a auténtica riqueza é ter a Cristo no corazón, e de aí nacen todas as outras.



-**PAN E VIÑO:** Co pan e o viño traemos ata o altar a xenerosidade de tantos homes e mulleres no mundo que nos van dando o que teñen. E que nunca nos falte Deus no altar e menos nos nosos corazóns.

6. VIDEOS 28º ORDINARIO -B

- "Xesucristo e o mozo rico", Película: <https://www.youtube.com/watch?v=1tnlRfIS7gA>
- "O mozo rico", película: <https://www.youtube.com/watch?v=FE4lGQuoXvQ&feature=youtu.be>
- "O mozo rico", canción: <https://www.youtube.com/watch?v=Nz3UnmkfnOo&feature=youtu.be>
- "O mozo rico, canción": <https://www.youtube.com/watch?v=UUa5uuGQaLE>
- "O mozo rico", debuxos: <https://www.youtube.com/watch?v=GbT4V0WuZOI>
- "O mellor gratis", reflexión: <https://www.youtube.com/watch?v=6iaGyEcf1LM>
- "Perspectiva", reflexión: <https://www.youtube.com/watch?v=8V89qSsDg2s>
- "Quen encontrou un amigo", canción de Irmá Glenda: <https://www.youtube.com/watch?v=fyDW7VEiORE>



7. ACCIÓN DE GRAZAS

- Grazas, Xesús, porque nos miras con agarimo e enches a nosa vida de ledicia e confianza.
- Grazas, Xesús, porque nos ensinas que é máis importante ser boas persoas que ter moitas cousas.
- Grazas, Xesús, porque aínda que deixemos cousas, ti es o noso tesouro, o máis importante.
- Grazas, Xesús, porque quixeches que a túa nai, María, fose tamén a nosa.
- Grazas, Xesús polo agasallo da túa amizade incondicional.
- Grazas, Xesús, polos misioneiros aos que en outubro sempre recordamos.
- Xesús, quero seguirte sempre, que non me cargue de pedras, que non me apegue a nada, dáme só ás para amar a todos.

8. SUXESTIÓNS:

Poderíase preparar unha pedra pequena para cada neno e dámosllas a medida que entren no templo. Preparamos tamén unha papeleira. Esa pedra representan as cousas que temos que quitar do noso corazón para ser amigos e seguidores de Xesús. Na poscomuñón poderíase pasar a tirar as pedras á papeleira mentres alguén le: *"Temos na nosa man unha pequena pedra que representa aquilo que nos impide ser amigos e seguidores teus, Xesús. Como signo do noso desexo de quererte cada día máis, tiramos a pedra á papeleira"*.

